

浯溪在縣南五里唐元結刺道州愛其山水因家焉作
大唐中興頌顏真卿大書磨崖石刻之溪上有嵒臺居
亭〔浯溪考〕自雙井發源遶漫郎宅過渡香橋北入湘〔范〕
成大駭鸞錄〔浯溪近山〕石澗也歟薄有聲流出江中臨
江石厓數壁纔高尋丈中興頌在最大一壁碑之上餘
石無幾所謂石厓天齊者〔丹鉛總錄〕浯水有二北浯在
瑯琊南浯在九疑零陵〔陸容菽園雜記〕浯溪嵒臺居亭
皆在今永州府祁陽縣治南五里唐元結次山愛其勝
異遂家其處命名制字皆始於結字從水從山從了曰
吾者旌吾獨有也

湓浪灘在縣東八十里灘上有潭潭底有巨鐘一巨鍋